



CONCELLO DE VIGO CONTRATACIÓN

ACTA DA MESA DE CONTRATACIÓN DO 11 DE XANEIRO DE 2017

Na Sala de reunións do Servizo de Contratación da Casa do Concello de Vigo, ás 10:10 horas do día 11 de xaneiro de 2017, réunese a Mesa de Contratación do Concello de Vigo convocada polo presidente o 9 de xaneiro, para tratar os asuntos da orde do día que figuran na convocatoria.

Asisten á reunión da Mesa de Contratación:

Presidentes: D. Carlos López Font

Vocais: D^a. Margarita Parajó Calvo
D. Javier Muradás Blanco
D. Manuel Xosé Lorenzo Penela
D^a. María Jesús Magdalena Vila (asiste aos puntos 3a e 4a)
D. Fernando Carballo Villar (asiste ao punto 6c)

Secretaria: D^a. Ángela Fernández López

Aberta a sesión polo Sr. presidente, procédese a tratar os puntos incluídos na orde do día:

1.- Apertura administrativa

a) Procedemento aberto para a contratación das obras de reforma do campo de fútbol do Carballal - A Bandeira. Fase I (15342-333)

Ábrese o sobre A "*Documentación persoal*" deste procedemento. Tras a súa cualificación, a Mesa, por unanimidade dos membros asistentes a esta sesión, acorda:

- a) Admitir neste procedemento aos licitadores que deseguido se relacionan, por ter presentado correctamente a declaración responsable incluída como Anexo II:
1. UTE OBRAS Y PAVIMENTOS ESPECIALES, S.A. e CONSTRUCCIONES GLESA, S.A. (porcentaxe de participación na UTE 80%-20%)
 2. CONSTRUCCIONES OREGA, S.L.
 3. CONSTRUCCIONS OBRAS E VIAIS, S.A. (COVSA)
 4. ORECO, S.A
 5. UTE CONSTRUCCIONES FECHI, S.L.U. e CONSTRUCCIONES HERMANOS CARRAJO, S.A. (porcentaxe de participación na UTE 50%-50%)
 6. PRACE, SERVICIOS Y OBRAS, S.A.
 7. ALVAC, S.A.
 8. DESARROLLA OBRAS Y SERVICIOS, S.L.
 9. UTE UNIKA PROYECTOS Y OBRAS, S.A.U. e CRC OBRAS Y SERVICIOS, S.L. (porcentaxe de participación na UTE 50%-50%)
 10. CONSTRUCTORA SAN JOSE, S.A.



Copia do documento - Concello de Vigo	Data impresión: 14/05/2024 12:59	Páxina 1 de 6
ACTAS PERFIL CONTRATANTE	CSV: A6AF42-ECBADH-528D28-XSPY7B-CZVGT7-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

11. UTE 03 SERVICIOS Y CONTRATAS, S.L. e MANUEL NOVOA CASTRO, S.L. (percentaxe de participación na UTE 75%-25%)
12. UTE IAM RUMBO INSTALACIONES Y OBRAS, S.L. e SANSIGA, S.L. (percentaxe de participación na UTE 70%-30%)
13. PLANIFICACIÓN, DESARROLLO Y GESTIÓN DE CONSTRUCCIONES, S.A. (GPD CONSTRUCCIONES, S.A.)
14. UTE SIELVIGO, S.L. - EXCAVACIONES Y CONSTRUCCIONES LAUREANO COVELO, S.A. (percentaxe de participación na UTE 50%-50%)

- b) Outorgar un prazo de tres días hábiles a COVIASSTEC, S.L. para que poida emendar a documentación presentada segundo o esixido polo prego de cláusulas administrativas particulares (PCAP) que rexe esta contratación.

Na declaración presentada pola empresa só declara estar en posesión dunha das dúas clasificacións esixidas na cláusula 8.4.3º e no apartado 6A do Anexo I -FEC- do prego (grupo C - subgrupo 6 - categoría 2), esixíndose tamén a clasificación no grupo I - subgrupo 9 - categoría 1.

2.- Apertura da documentación técnica

a) Procedemento aberto para a contratación das obras de reforma do campo de fútbol do Carballal - A Bandeira. Fase I (15342-333)

Non se pode tratar este asunto porque a Mesa acordou no punto anterior requirir a emenda de documentación a unha das empresas presentadas.

3.- Entrega dos informes de valoración dos criterios de adxudicación nos procedementos abertos, negociados e restrinxidos

a) Procedemento aberto para a contratación dos servizos de actualización e mantemento catastral, integración coa plataforma municipal VCI+ e actualización de bases de datos tributarias (2288-500) (informe sobre B)

Entrégase o informe asinado pola directora Ingresos o 9 de xaneiro de 2017 de valoración do sobre B *"proposición avaliable mediante xuízo de valor"*.

4.- Estudo e, no seu caso, aceptación dos informes de valoración dos criterios de adxudicación nos procedementos abertos, negociados e restrinxidos

a) Procedemento aberto para a contratación dos servizos de actualización e mantemento catastral, integración coa plataforma municipal VCI+ e actualización de bases de datos tributarias (2288-500)

Acéptase o informe asinado pola directora Ingresos o 9 de xaneiro de 2017 de valoración do sobre B *"proposición avaliable mediante xuízo de valor"*.

5.- Propostas de adxudicación

a) Procedemento aberto para a contratación do servizo de vixilancia da saúde (27683-220)



Copia do documento - Concello de Vigo	Data impresión: 14/05/2024 12:59	Páxina 2 de 6
ACTAS PERFIL CONTRATANTE	CSV: A6AF42-ECBADH-528D28-XSPY7B-CZVGT7-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO CONTRATACIÓN

LEXISLACIÓN APLICABLE

- Real decreto lexislativo 3/2011, de 14 de novembro, polo que se aproba o texto refundido da Lei de contratos do sector público (TRLCSP)
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto lexislativo 3/2011
- Prego de cláusulas administrativas particulares que rexe o procedemento aberto para a contratación do servizo de vixilancia da saúde (27683-220)

ANTECEDENTES

Primeiro.- Con data do 2 de setembro de 2016 a Xunta de Goberno local acordou aprobar o expediente para a contratación, por procedemento aberto, do servizo de vixilancia da saúde.

Segundo.- Na sesión que tivo lugar o 2 de decembro de 2016 a Xunta de Goberno local adoptou o seguinte acordo:

“Primeiro.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación do Servizo de vixilancia da saúde (27683-220) na seguinte orde descendente:

Licitadores	Puntuación total
PREVISONOR, S.L.	100
PREMAP SEGURIDAD Y SALUD, S.L.	91,95
MUGATRA SOCIEDAD DE PREVENCIÓN, S.L.U.	85,30
NORPREVENCIÓN, S.L.	76,23

Segundo.- *Requirir ao licitador clasificado en primeiro lugar, PREVISONOR, S.L., para que presente, no prazo de dez días hábiles, a contar desde o seguinte a aquel no que reciban o requirimento, a seguinte documentación (artigo 151.2 TRLCSP):*

1. *Declaración responsable de non estar incurso en prohibición de contratar.*
2. *Certificacións de estar ao corrente das súas obrigas tributarias co Estado, coa Xunta de Galicia e coa Seguridade Social.*
3. *A documentación esixida nas cláusulas 8 e 21 do prego de cláusulas administrativas*



Copia do documento - Concello de Vigo	Data impresión: 14/05/2024 12:59	Páxina 3 de 6
ACTAS PERFIL CONTRATANTE	CSV: A6AF42-ECBADH-528D28-XSPY7B-CZVGT7-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

particulares.

4. *Resguardo da garantía definitiva esixible de acordo co disposto na cláusula 22 do prego de cláusulas administrativas particulares”.*

Terceiro.- Requirir ao citado licitador o aboamento de 1.709,92 euros en concepto de custos dos anuncios de licitación”.

Terceiro.- Este acordo foi notificado ao licitador clasificado en primeiro lugar, PREVISIONOR, S.L., o día 20 de decembro de 2016, que presenta a documentación requirida o 2 xaneiro de 2017, dentro do prazo concedido.

Cuarto.- A Mesa de Contratación na sesión do 11 de xaneiro de 2017 revisou a documentación presentada, sendo esta correcta, polo que acordou, por unanimidade dos membros presentes, propoñer ao órgano de contratación a adxudicación deste procedemento.

FUNDAMENTOS XURÍDICOS

Primeiro.- A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante (artigo 151.4 TRLCSP).

Recibida tanto a documentación presentada polo licitador clasificado en primeiro lugar como a solicitada de oficio pola Administración municipal e, comprobado que esta é correcta, procede adxudicar este contrato.

Segundo.- A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que presente a proposición que conteña a oferta economicamente máis vantaxosa de conformidade co prego de cláusulas administrativas particulares que rexe a licitación (artigo 22.1.g RLCSP).

A primeira oferta economicamente máis vantaxosa para a administración contratante é a formulada por PREVISIONOR, S.L. de acordo co informe de valoración das proposicións avaliadas mediante fórmula asinado pola técnica de Prevención de Riscos Laborais e a xefa da Área de Recursos Humanos e Formación o 23 de novembro de 2016.

Terceiro.- A competencia para a resolución deste expediente correspóndelle á Xunta de Goberno local (apartado 3 da disposición adicional segunda do TRLCSP), na súa calidade de órgano de contratación.

En base ao que antecede, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

“Adxudicar a PREVISIONOR, S.L. o procedemento aberto para a contratación do servizo de vixilancia da saúde (27683-220) coas seguintes condicións:



Copia do documento - Concello de Vigo	Data impresión: 14/05/2024 12:59	Páxina 4 de 6
ACTAS PERFIL CONTRATANTE	CSV: A6AF42-ECBADH-528D28-XSPY7B-CZVGT7-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO CONTRATACIÓN

1. O prezo do contrato é de 714.000,00 euros (exento de IVE)
2. Propón a realización dos seguintes cursos e campañas informativas e de sensibilización de promoción da saúde, cos requisitos previstos no apartado 8.B.2 da FEC:
 - a) 12 cursos presenciais de formación en primeiros auxilios por ano de contrato, iniciais e de reciclaxe
 - b) Unha campaña por cada ano de contrato informativa e de sensibilización de promoción da saúde
 - c) 3 cursos presenciais por ano de contrato de formación "Escola de costas"
 - d) 4 cursos presenciais por ano de contrato de formación en "Xestión de equipos de traballo" para mandos intermedios
 - e) 3 cursos presenciais por ano de contrato sobre "Acosos psicolóxico no traballo"
 - f) 5 cursos presenciais por ano de contrato de formación en "Apoio psicolóxico en situacións de emerxencia" dirixido ao persoal de Servizos de Emerxencias (Policía Local, Extinción de Incendios e Protección Civil)
 - g) 4 cursos presenciais por ano de contrato de xestión e control do estrés
 - h) 4 cursos presenciais por ano de contrato de intelixencia emocional no traballo e xestión positiva de conflitos
 - i) 2 cursos presenciais por ano de contrato de "Atención ao cidadán"

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada".

6.- Incidencias

a) Procedemento aberto para a contratación dos servizos para a xestión da escola infantil municipal de Santa Marta - Casco Vello (17500-332) (resolución nº 1069/2016 do TACRC)

Entrégase a resolución nº 1069/2016 do Tribunal Administrativo Central de Recursos Contractuales de data 22 de decembro de 2016 pola que se estima o recurso nº 865/2016 C.A. Galicia 117/2016 interposto por D^a. Olga Carmen Zaragoza Giner, en representación da UTE GESTIÓN DE ESCUELAS INFANTILES MUNICIPALES, contra o acordo de exclusión do procedemento de adxudicación do contrato de Servizo para a xestión da escola infantil de Santa Marta - Casco Vello. A secretaria comunica aos membros que desta resolución deuse conta á Xunta de Goberno local na sesión que tivo lugar o 5 de xaneiro de 2016.

b) Procedemento aberto para a contratación dos servizos de limpeza dos colexios públicos e escolas municipais (3815-440) (presentación de documentación requirida)

A secretaria comunica aos membros da Mesa que a empresa SAMYL, S.L. presentou o 4 de xaneiro de 2016, dentro do prazo concedido, o orzamento desglosado requirido por acordo



Copia do documento - Concello de Vigo	Data impresión: 14/05/2024 12:59	Páxina 5 de 6
ACTAS PERFIL CONTRATANTE	CSV: A6AF42-ECBADH-528D28-XSPY7B-CZVGT7-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

da Mesa do 29 de decembro de 2016.

c) Procedemento aberto para a contratación do servizo de vixilancia nocturna e transporte de fondos nas instalacións de Vigozoo (7173-612) (escrito presentado por UTE SECURITAS SEGURIDAD ESPAÑA, S.A. Vigozoo)

Entrégase o escrito presentado pola UTE SECURITAS SEGURIDAD ESPAÑA, S.A. Vigozoo o 30 de decembro de 2016 no que manifesta que a empresa GRUPO RMD SEGURIDAD, S.L. presentou a súa oferta *“careciendo de la preceptiva autorización administrativa expedida por el Ministerio del Interior” “para el transporte y distribución de efectivo”* e que *“procede adjudicar el presente concurso a SECURITAS SEGURIDAD ESPAÑA, S.A., Ley 18/1982 VIGOZOO ya que de realizarse la adjudicación a la otra esta empresa estaría incurso en causa de nulidad y sometido a impugnación posterior”*.

d) Procedemento aberto para a contratación das obras de reforma da Grada de Río (4051-440) (interposición de recurso especial en materia de contratación)

Entrégase o escrito presentado o 23 de decembro de 2016 por D. Carlos Alberto González Príncipe, en representación da “Asociación en defensa de Vigo” de interposición do recurso especial en materia de contratación contra a adxudicación do procedemento aberto para a contratación das obras de reforma da Grada de Río.

Non tendo máis asuntos que tratar, o presidente declara finalizada a sesión ás 11:00 horas. De todo o tratado eu secretaria dou fe.

Vigo, 11 de xaneiro de 2017

O presidente da Mesa de Contratación
(sinatura dixital)

A secretaria da Mesa de Contratación
(sinatura dixital)



Copia do documento - Concello de Vigo	Data impresión: 14/05/2024 12:59	Páxina 6 de 6
ACTAS PERFIL CONTRATANTE	CSV: A6AF42-ECBADH-528D28-XSPY7B-CZVGT7-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		